

Broj: 03-30-5-6200-2/24
Sarajevo, 31.07.2024. godine

Na osnovu člana 23. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj 49/05 i 103/21), Federalno ministarstvo financija – Federalno ministarstvo finansija, objavljuje

JAVNI OGLAS
za popunu radnih mjesta namještenika u Federalnom ministarstvu financija –
Federalnom ministarstvu finansija

- 01. Viši referent za kancelarijsko poslovanje – 1 (jedan) izvršilac;**
02. Referent za administrativno – tehničke poslove – 1 (jedan) izvršilac.

01. Opis poslova: nakon signiranja prima i zavodi poštu u Ministarstvu, kao i internu poštu organizacionih jedinica Ministarstva, zavodi, razvrstava i evidentira poštu, vodi temeljne i pomoćne knjige evidencije o kancelarijskom poslovanju (djelovodnik predmeta i akata i djelovodnik povjerljive i strogo povjerljive pošte, interne dostavne knjige, knjiga primljenih računa, karton za službena glasila i literaturu), pakovanje, otpremu i dostavu službene pošte, neposredno objedinjava spise (predmete, akte i fascikle), dostavlja poštu na uvid i signiranje rukovodiocu ili ovlaštenom službeniku Ministarstva, distribuiraju signiranu poštu, obavlja poslove preuzimanja predmeta i akata, te čuva predmete do odlaganja u arhivu, obavlja i druge poslove koje mu odredi neposredno nadređeni.

02. Opis poslova: obavlja jednostavne administrativno – tehničke poslove, pakuje, adresira i otprema službenu poštu, obavlja unutrašnju i vanjsku dostavu pošte i drugih materijala, te obavlja i druge poslove koje mu odredi neposredno nadređeni.

Uvjeti:

Kandidati za pozicije 01. i 02. trebaju ispunjavati sljedeće opće uvjete propisane članom 24. Zakona o namještenicima u organima državne službe u Federaciji Bosne i Hercegovine:

- da su državljani Bosne i Hercegovine;
- da su punoljetni;
- da imaju opću zdravstvenu sposobnost za obavljanje poslova navedenog radnog mjesta;
- da u posljednje dvije godine od dana objavljivanja Javnog oglasa nisu otpušteni iz organa državne službe kao rezultat disciplinske kazne na bilo kojem nivou vlasti u Federaciji, odnosno u Bosni i Hercegovini;
- da nisu obuhvaćeni odredbom člana IX. 1. Ustava Bosne i Hercegovine.

Pored općih uvjeta propisanih članom 24. Zakona o namještenicima u organima državne službe u Federaciji Bosne i Hercegovine, kandidati za pozicije 01. i 02. trebaju ispunjavati i sljedeće posebne uvjete propisane Pravilnikom o unutrašnjoj organizaciji Federalnog ministarstva financija – Federalnog ministarstva finansija i to:

Posebni uvjeti za poziciju 01. Viši referent za kancelarijsko poslovanje :

- SSS – ekonomska, upravna birotehnička, tehnička škola ili gimnazija;
- položen stručni upravni ispit za namještenike;
- najmanje deset mjeseci radnog staža;
- poznavanje rada na računaru.

Posebni uvjeti za poziciju 02. Referent za administrativno – tehničke poslove:

- SSS – gimnazija ili ekonomska ili neka druga srednja škola;
- položen stručni upravni ispit za namještenike;
- najmanje šest mjeseci radnog staža.

Prijavljivanje na Oglas:

Svi kandidati su, uz prijavu i kratku biografiju, prilikom prijavljivanja na Javni oglas dužni naznačiti na koju poziciju se prijavljuju i dostaviti sljedeću dokumentaciju (originali ili ovjerene kopije):

1. uvjerenje o državljanstvu ne starije od šest mjeseci od dana izdavanja uvjerenja od strane nadležnog organa;
2. ovjerenu izjavu da u posljednje dvije godine od dana objavljivanja Javnog oglasa nisu otpušteni iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini;
3. ovjerenu izjavu da nisu obuhvaćeni odredbom člana IX.1. Ustava Bosne i Hercegovine;
4. diplomu/svjedočanstvo o završenoj SSS – ekonomska škola, upravna birotehnička, tehnička škola, gimnazija ili neka druga srednja škola – u zavisnosti da li se kandidat prijavljuje na poziciju 01. ili 02. dostaviti dokumentaciju o traženoj završenoj SSS (u slučaju da srednja škola nije završena u Bosni i Hercegovini, diploma/svjedočanstvo o završenoj SSS mora biti nostrifikovano, odnosno mora se dostaviti dokaz o nostrifikaciji);
5. dokaz/uvjerenje o položenom stručnom upravnom ispitu za namještenike (sukladno odredbi člana 32. st. 2. i 3. Zakona o namještenicima u organima državne službe u Federaciji BiH (u slučaju da kandidat nema položen stručni ispit, obavezan je isti položiti u roku od šest mjeseci od dana prijema u radni odnos u Federalno ministarstvo financija – finansija ili će mu u protivnom prestatu radni odnos o čemu će se donijeti rješenje);
6. uvjerenje/potvrda o radnom stažu (kao radni staž računa se radni staž ostvaren poslije završene srednje škole, s tim da se u radni staž računa i pripravnički i volonterski staž ostvaren u skladu sa zakonom);
7. dokaz/uvjerenje o poznavanju rada na računaru – za poziciju 01..

Napomene za kandidate:

- Izabrani kandidat je dužan u roku od 8 (osam) dana od dana prijema obavještenja o rezultatima Javnog oglasa dostaviti Federalnom ministarstvu financija – Federalnom ministarstvu financija ljekarsko uvjerenje o općoj zdravstvenoj sposobnosti za obavljanje poslova navedenog radnog mjesta (ne starije od tri mjeseca);
- Ukoliko neki od prijavljenih kandidata posjeduje viši nivo školske odnosno stručne spreme u odnosu na vrstu i nivo školske odnosno stručne spreme koja se traži ovim Javnim oglasom, smatrat će se da ispunjava uvjet Javnog oglasa koji se odnosi na traženi nivo i vrstu školske odnosno stručne spreme;
- Kao radni staž računa se radni staž ostvaren poslije završene srednje škole, s tim da se u radni staž računa i pripravnički staž te staž ostvaren kroz stručno osposobljavanje bez zasnivanja radnog odnosa obavljen u skladu sa zakonom;
- U radni staž računa se i radni staž ostvaren na poslovima višeg nivoa školske odnosno stručne spreme u odnosu na nivo i vrstu školske odnosno stručne spreme koja se traži ovim Javnim oglasom.

Javni oglas ostaje otvoren 15 dana od dana objavljivanja u dnevnim listovima „Oslobođenje“, „Večernji list“ i „Dnevni avaz“.

Javni oglas objavit će se i na internet stranici Federalnog ministarstva financija – finansija www.fmf.gov.ba.

Prijavu sa biografijom i tražene dokumente dostaviti na adresu:

**Federalno ministarstvo financija - finansija
Mehmeda Spahe br. 5**

**sa naznakom „Za Javni oglas za prijem namještenika u Pisarnici ministarstva –
NE OTVARATI“**

Nepotpune, neuredne i neblagovremene prijave neće se uzeti u razmatranje.



MINISTAR

Toni Kraljević